

Sier Vincenzo Polani, fo provedador sora le camere, qu. sier Jacomo	57.127
Sier Nicolò Malipiero, fo provedador al sal, qu. sier Tomaso	60.113
Sier Andrea Bondimier, fo capitano zeneral in Po, qu. sier Zanoto . . .	82.100
Sier Hironimo da Canal, fo patron a l'arsenal, di sier Bernardin	57.124
Sier Antonio da cha' da Pexaro, fo so- racomito, qu. sier Francesco	48.131
Sier Alvixe da Canal, fo governador in armada, qu. sier Luca	51.132
Sier Marco Antonio Contarini, fo capi- tanio al Golfo, qu. sier Alvixe . . .	95. 82
Sier Pollo Nani, fo al luogo di procura- tor, qu. sier Jacomo	65.117
Sier Zuan Moro, fo capitano di le galie bastarde, qu. sier Antonio	106. 74
Sier Francesco Arimondo è conte a Zara, qu. sier Nicolò	31.136
Sier Filippo Morexini, fo patron in Fian- dra, qu. sier Andrea	18.158
Sier Piero Zen, fo di Pregadi, qu. sier Catarin el cavalier	58.123
Sier Anzolo Trun, fo di Pregadi, qu. sier Andrea	30.150
† Sier Zuan Vituri è podestà a Bergamo, qu. sier Daniel	120. 63

In Gran Consejo

Provedador in armada.

† Sier Zuan Vituri è podestà a Berga- mo, qu. sier Daniel	1097. 354
Sier Nicolò Malipiero, fo provedador al sal, qu. sier Tomaso	311.1140
Sier Francesco Pasqualigo, fo capita- nio di le galie di Alexandria, qu. sier Veto	390.1057
Sier Zuan Moro è di la Zonta, qu. sier Damian	862. 605
Sier Thomà Moro, fo capitano a Vi- cenza, qu. sier Alvixe	723. 738

211* A dì 30. Dito la matina vene in Colegio sier Piero da cha' da Pexaro rimasto heri Procurator, vestido di seda, acompagnato da li Procuratori et altri assa', molti vestidi di seda, altri di scarlato. Et fato le parole al Doxe, iusta il solito, sier Antonio Trun procurator disse *pubbliche* : « Serenissimo

Principe, l'è stà electi Procuratori che viverano 40 anni in la procuratia, però è bon a far provision, che di mexe in mexe i saldino le so cosse, acciò li da- nari di le comessarie non vadino in malora ». Li Procuratori rimase morti, *maxime* li zoveni, e il Doxe si voltò verso i Consieri, dicendo : « Signori, vui aldi, provedè ».

È zonto in questa terra secreto sier Andrea Lion, podestà di Vicenza, e vol esser Precurator et dar do e tre milia ducati più di altri. Ha grandissimo animo, et a soa requisition fu deliberato indusiar a Domenega a far Gran Consejo e il terzo Procura- tor, perchè voleano far doman, che zà il Zustignan et Gussoni voleno offerir.

Di sier Andrea Griti procurator, *proveda- dor zeneral, da Chiari, fo letere di 28*. Come francesi si partirano di Cremona a di 2, et in ordi- nanza anderano a la volta di monti per andar in Franza, et il Ducha con il signor Prospero erano venuti sul cremonese per acompagnarli, acciò non li fosseno fato danno alcuno.

Da poi disnar, fo Consejo di X con la Zonta. Prima feno li Cai per il mexe di Luio, sier Zulian Gradenigo fo capitano a Padoa, sier Andrea Muda- zo fo Consier, sier Donado Marzelo fo Consier, tutti tre stati altre fiade.

Fu posto una gratia di madona Catarina da Dresano fo moier di missier Nicolò el cavalier, era rebello, qual à hauta la soa dota e vol li beni di uno Verlato che fo suo padre, qual lassò a so' fiola, e pervene in man dil marito et fo confischadi in la Signoria ; et parlò il Doxe in suo favor. *Tamen* di una balota la fu persa, come è stà più volte persa di pocho, ch'è stà messa la ditta restitution.

Ancora fu posto altre parte et gratie et niuna presa.

In questo zorno, a caxa di sier Piero da cha' da Pexaro rimasto Procurator fu fato festa, a San Be- neto, et la sera cena, dove fu monsignor di Memo- ransi, el qual have, hessendo li, letere di Cremona con avisi che sguizari 12 milia, saranno di le lige, sa- rano col re Christianissimo, et 6000 grisoni, etc.

In questa matina, per la Signoria fu mandà una suspension a li XX Savii sopra il regular di la terra, soprasiedino a tansar li medici, per esser la loro causa comessa a li Savii dil Colegio.